

Decisiuns dalla radunanza communal Surses

La radunanza communal Surses digls 26 d'avost 2019 ò

- approvo unanimamaintg l'aggiunta alla concessiun digl dretg dallas avas purifitgeida digls 7 da favrer 1969 tranter igl cumegn e las Ovras electricas digl martgea da Turitg pertutgont l'utilisaziun dalla forza hidraulica dalla "Ava da Nandro". Cun chella aggiunta vign lubia allas oet/ewz da dar giu a terzs ena pitschna quantitat d'ava (p.ex. per scopo da far neiv artificziala).
- approvo cun 100 cunter 14 vuschs la vendita dallas parcelas nr. 9027, nr. 9845 e nr. 9849, Pro digl Mulegn, agls Mulegns, alla Nova Fundaziun Origen per igl prietsch simbolic da total 1 franc.
- decidia cun 82 cunter 38 vuschs da conceder alla Nova Fundaziun Origen ena contribuziun da max. 510'000 francs per igl project «Salvar igls Mulegns».
- decidia cun 72 cunter 43 vuschs d'approvar la revisiun parziala dalla lescha d'indemnisaziun digl cumegn da Surses ed an chel senn da fixar l'indemnisaziun digl mastral er agl avigneir sen 110'000 francs ad onn.
- approvo cun 116 vuschs e nigna cuntervusch la dumonda da Michael Luzio da cumprar ena surfatscha da taragn da 2'317 m² dalla parcella nr. 5048, ainten la zona d'industria Punt a Cunter, per igl prietsch da 173'775 francs.
- piglia cunaschientscha da diversas infurmaziuns.

Igl protocol dalla radunanza communal digls 26 d'avost ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitiga a taimp util aint igls figls uffizials digl cumegn.

Tinizong, igls 26 d'avost 2019

La suprastanza communal Surses